

漢名臣傳

十九上



內閣文庫	漢書
二三五	類
一六〇	冊
三八	函
一四	架

內閣文庫	漢書
二三	類
一	冊
二九	函

內閣文庫		
番號	漢	230c
冊數	160	(133)
函號	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

漢名臣傳卷十九

崔紀 韓勳 張照 王郡 陳時夏

劉於義 徐本 宋邦綬 劉師恕

崔紀列傳

崔紀山西永濟人康熙五十七年進士改庶

吉士散館授編修雍正四年充福建鄉試副

考官五年充會試同考官七年三月充

日講起居注官八月遷國子監司業八年二

月疏言國子監例每年各取各省貢監生赴

漢名臣傳卷十九

監肄業其不來者託送規禮卽准爲到監給告假印票永不繳銷伏思貢監生中寔有道遠資難不能赴監之人一概促來又不必親來是專爲陋規不爲肄業又定例到監肄業歲貢八個月例監內廩生十四個月增附生十六個月俊秀二十四個月期滿方准咨送考職竟有不俟期滿或並未到監時補出規禮卽倒提年月咨送積弊相沿請均禁止部議從之九年丁母憂十二年服闋補原官十

三年三月遷司經局洗馬七月遷右庶子一月遷國子監祭酒乾隆元年三月提督順天學政六月條奏學政現行事例應停者六應改者二一雍正六年安徽學政李鳳翥奏每學歲取生監五人互結聲明並無抗糧包訟等事彙送學政查核臣思生監果抗糧包訟應不時詳革若不分良莠惟以互結爲憑恐朋比掩飾徒滋煩擾應停一李鳳翥奏生員有切已事赴州縣告理先將呈詞赴學掛

號印記臣思事既切已自與包訟不同若必
用記恐不肖教職反勒索徇隱應停一雍正
五年河南巡撫田文鏡奏生員事切已或代
控作証或冒認失主屍親地方官卽先行詳
革再審是非曲直臣思未審何由知爲代控
有認遽斥豈無屈抑卽恃符狡供例應革審
亦不必另立先革後審之條一律載生員倚
恃衣頂毆人至死者審寔從重擬斬監後雍
正五年刑部議准被斥劣矜有挾仇報復者

照所應得罪加一等又雍正七年湖南學政
習竊奏生監有串通竊盜代寫詞狀作媒圖
利者加常人罪一等近日學規嚴肅應仍照
原例治罪不必加等一習竊奏緣事斥革監
生不許出境違者從重治罪臣思所緣事情
罪不同概不許出境是罪止斥革又加禁固
况頑悖之入在籍亦能生事自應分別按例
定擬其出境從重之文應停一雍正六年浙
江學政王蘭生奏生員欠糧必全完方准收

考查學政周行各府未必下車日適當納課
且諸生應試又竭蹶完糧勢難兼顧應請收
考一田文鏡奏季考月課三次不到者詳革
臣思除寔在患病遊學外或遠不能赴試誤
課卽斥情殊可憫請改爲嚴行戒飭終年不
到詳革一雍正九年部議各省錢糧上戶富
生限五月完半十月全完中戶下戶貧生限
八月完半歲底全完不完者再予三限仍不
完者詳革後全完開復數年來士子急公

拖欠甚少請將上戶改爲歲底全完中下戶
開歲二月四月全完逾期詳革不必另立三
限下部議行四月遷詹事府詹事十一月授
倉場侍郎十二月署甘肅巡撫劉於義誣叅
道員杜濱

國制內娶妾並瞻徇總理屯政侍郎蔣洞題
免私借屯田銀兩爲兵部侍郎孫國璽所劾
上命紀與侍郎馬爾泰赴甘詳鞫得寔於義
交部議處二年四月

命署陝西巡撫六月疏言陝屬平原八百餘里農作率皆待澤於天旱則束手無策竊思鑿井灌田一法寔可補雨澤之缺臣籍居蒲州習見其利思爲廣行除延安榆林二府邠鄜綏德三州所屬地高土厚不能鑿井外西安同州鳳翔漢中四府並渭南九州縣地勢低下或一二丈或三四丈亦可得水渭北二十餘州縣地勢高仰亦不過四五丈或六七丈得水但有力家可勸諭開鑿貧民是難勉

強仰懇

聖恩准將地丁耗羨銀兩借給貧民資鑿井費分三年繳完再鑿井耕田民力况瘁與河泉自然水利不同請免以水田陞科

諭曰此係極應行之美舉但須徐徐化導又必寔力奉行方與民生有益朕自不照水田陞科也八月擢吏部右侍郎仍留署陝西巡撫任時奉

旨蠲出征兵借支銀陝西撫標及延安鎮所

借三千九百銀兩於

詔未到映前已扣存司庫紀因請按名找給

以廣

皇仁

允之閏九月

諭確查收歉地方分別蠲緩本年錢糧紀奏
言延安榆林綏德屬秋禾被災長安咸寧咸
陽藍田鄠縣水淹地百餘頃應照例議蠲又
興平藍屋咸陽渭南咸寧藍田鄠縣水冲地

三百餘頃應豁免部議均如所請十一月是
授陝西巡撫十二月疏言陝省水利莫如龍
洞渠在秦為鄭渠在漢為白渠宋迄元明或
名豐利或名王御史新築或名廣惠各通濟
上承涇水中受諸泉利賴甚溥自雍正五年
督臣岳鍾琪動帑興工涇陽醴泉三原高陵
四縣咸資灌溉奈未定歲修法又因涇漲入
渠泥沙淤闕諸泉從渠岸泛出石罅滲漏經
前撫臣碩色咨部修濬但現在龍洞泉北入

漢書地理志卷之九

涇水南入渠其飾珠瓊現以下諸泉雖南流
奈渠身滲漏亦多入涇若不將龍洞及諸渠
泥沙淘盡不但不能引涇卽龍洞泉亦不下
達最要莫若于龍洞內築石堤以納眾泉不
使入涇龍洞南岸石堤應加高以防濁水溢
塞又水磨橋大王橋上下各泉亦應於泉旁
築堤收入渠內請設水夫三十名供啓閉廂
板之役又言陝省額征地丁銀分屯民二項
雍正五年民丁議減屯丁議增現在奉

旨恩免屯丁二萬餘兩請卽於原減民丁七
萬餘兩內不分府州均派自乾隆三年爲始
入額征解得
旨允行是月

上因紀於鑿井灌田一事辦理未善

特諭詳勘地勢聽從民便無擾三年三月

諭曰陝西鑿井灌田崔紀祇務多井之虛名
未收灌溉之寔效經朕訪聞降旨訓諭乃伊
接奉諭旨後檄飭地方官務須鑿深砌固不

得草率從事又遣佐雜等官分路勘驗凡屬
淺井悉令掘之使深而土易淤塞者則令修
砌堅固其從前開鑿未成井者又復勒令填
平以致井底之寒泉無處灌注勢必傾瀉於
地中井中之濕土無處搬移勢必堆積於麥
上不但麥苗無益亦且大受其損况去冬得
雪沾足今值麥田青葱秀發之時農民及時
鋤治轉盼播種秋禾東作方興正田功不遑
之候而乃迫令掘井砌井使農民廢時失業

人心甚覺徬徨是朕諭令俯順輿情而崔紀
則勒令深鑿修砌以掩其非又令填平廢井
以掩其過重負朕委任封疆諄切訓誨之意
矣陝西之人噴有煩言崔紀不便仍留陝西
之任着調補湖北巡撫其陝西巡撫員缺卽
以湖北巡撫張楷調補鑿井灌田之事張楷
可善體民情妥協辦理五月紀抵湖北巡撫
任遵例白陳不職部議降二級調用
諭曰崔紀在陝西巡撫任內鑿井灌田一事

經理未善以致滋累咎無可辭本應處分但其本意係爲百姓起見且才尚可用是以調任湖北冀其克自奮勵以觀後效著照部議所降之級從寬留任六月奏請

頒
御註孝經孝經衍義

御選唐詩資政要覽性理精義古文淵鑿行書院并刊布

允之五年五月

上聞紀於兩淮運楚鹽船未到飭屬暫食私鹽總督德沛復疏叅紀袒護糧道崔乃鏞於解漕赴淮時批准動用存公銀兩

諭令明白回奏閏六月紀奏言兩淮鹽船本年二月內卽應開行遲至四月尙未咨到船到無期價昂日甚臣因人心惶惶曾令德安陸襄陽三府確查民間食鹽情形商辦接濟並未竟食私鹽又崔乃鏞動用公項時德沛亦曾批准事下部議以崔紀徇庇屬員應

降三級調用違例諭食私鹽應革職

諭曰崔紀祖護崔乃鏞一案著照部議降三級調用至令民間暫食私鹽一案雖悖謬寔甚但事尚未行遽議革職未免過重著免其革職再降五級調用六年

特授國子監祭酒九年八月充順天鄉試副考官十二月提督江蘇學政十一年五月浙江慈谿縣知縣倪知本訪獲糾眾為盜之提標右營兵丁沈光耀等八人營員捏稱自行

查拏密遣人赴部探問被獲

上命紀偕江蘇布政使安寧赴浙會總督馬爾泰嚴鞠七月紀等奏言提標兵夥盜係知縣拏獲營員捏飾探問屬寔請照例分別議處

上以辦理公平

諭獎之九月丁父憂十四年服闋授山東布政使十五年正月以都察院副都御史銜提督江蘇學政八月因病解任九月卒

韓勳列傳

韓勳陝西甘州人廣西巡撫良輔之子康熙五十六年以其祖重慶總兵成疏請効力由武舉在內庭行走五十九年大軍由西寧進藏勳隨良輔赴噶斯路應援雍正元年還京授三等侍衛二年授貴州威寧鎮遊擊未赴改鎮遠協遊擊五年仲苗不法提督楊天縱進勳勳在事有功

諭部議敘六年遷雲南鎮雄營參將八年烏蒙逆猥倖亂擾鎮雄州永遠縣總督鄂爾泰分兵三路進勳令提督張耀祖總兵哈元生各由一路進而以勳領兵四百由鎮雄州屬之奎鄉至莫都都地方土目勾猥賊集衆數千抗拒勳麾兵力戰自晝至夜殺賊三百餘連破四寨翼日賊復犯奎鄉勳還擊連戰三日斬賊二千餘盡焚其寨時元生已克復烏蒙逆猥屯魯甸拒守大関耀祖擁兵東川不

漢名臣傳卷十九
進鄂爾泰復檄勲自鎮雄路夾攻勲沿途搜
勲破賊寨百餘克發烏闕抵黃水河環攻賊
營大破之斬馘無算乘勝克大闕及小闕鎮
雄永遠相繼復鄂爾泰具疏報捷

諭曰叅將韓勲領兵四百破賊數千以寡敵
衆壯三軍之氣喪賊人之胆較諸路爲獨先
着交部優敘嗣鄂爾泰奏補安籠鎮總兵九
年調古州鎮總兵以稿坪苗人不法討平之
十三年正月奏言古州苗寨接壤郡邑請照

楚省例令得與內地兵民聯姻庶彼此感喻
習知禮義可底淳良從之二月清江等處逆
苗糾衆犯王嶺汛勲急攻之賊退據台拱勢
猶熾勲率副將王濤截擊破烏公八妹等寨
進屯朗洞乾隆元年會同經畧張廣泗進勲
逆苗於牛皮大箐搜獲殆盡自朗洞回兵遂
燬二十餘寨捷

聞下部議敘三年定番州姑盧等寨苗不法
勲分別勲撫平之四年奏言古州鎮西北六

十里地名滾縱面臨溶江接牛皮大箐是爲
要隘請移駐王嶺汛守備設兵三百資防守
詔允所請六年二月粵獠勾黎平府屬黑洞
苗入境焚劫勦擊之擒其首逆石金元等置
之法五月
特授貴州提督七年奏擒獲金元案內逸犯
得
旨嘉獎八年卒加贈右都督
賜祭葬如例諡果壯

張照列傳

張照江蘇婁縣人康熙四十八年進士改庶
吉士五十一年散館授檢討五十四年入直
南書房雍正元年五月遷贊善六月遷侍講
七月轉侍讀九月遷右庶子十月充福建鄉
試副考官二年轉左庶子三年二月遷侍講
學士四月充

日講起居注官疏言

聖諭廣訓一書請令學政轉頒各州縣學俾

童蒙誦讀府縣考覆試時背錄一條方准錄取奉

旨允行四年四月充雲南鄉試正考官八年二月遷少詹事九年七月擢內閣學士十年七月奏言臣祖淇曾以田千畝爲義田贍族未經奏明立案旣爲公產轉恐爭競請官爲存案載入縣誌不得擅賣擅買違者雖臣子孫亦以盜賣官田論疏入上允所請立冊存案並

勅部旌獎以彰義舉尋議贈淇如其子原任吏部侍郎等官十二月擢刑部左侍郎仍兼內閣學士尋署順天府府尹十一年四月授左都御史暫署刑部尙書兼管順天府府尹七月奏請更定律例一夫毆妻至死審無故殺別情如無承祀之人准留承祀枷責完結一竊盜三犯通計贓五十兩以下罪止滿杖者從重擬遣五十兩以上罪止徒者擬絞監候一承審官重刑疊夾致斃笞杖人犯二命

以上徒流人犯四命以上者以故勘論擬斬
監候一斬絞人犯在獄如強橫不法及犯賭
博等事照原擬卽行正法提牢官議處禁卒
議處一支四糧每石脚價銀五分以賍罰銀
給發移戶部查核一刑部現審左右二司郎
中員外主事缺出揀選調補遺缺歸銓下部
議行十二月授刑部尙書以預修
大清會典書成議敘加一級十二年五月刑
部議覆福建民藍厚正毆斃胞兄一案照以

援擬失當降一級留任十三年正月充

皇清文穎館副總裁五月貴州九股生苗不

法揚威將軍哈元生副將軍董芳分勦

上命照爲撫定苗疆大臣照抵黔倡分地分

兵之議因施秉爲適中地遂以其上爲上游

用滇黔兵專屬哈元生以其下爲下游用楚

粵兵專屬董芳於是進勦之兵紛紜撤換哈

元生董芳欲將村莊道路盡劃上下界文移

辯論日久無功八月

漢書地理志卷九

五

今上御極諄

命照來京以湖廣總督張廣泗往代
諭曰從前經理古州苗疆原係鄂爾泰獨任
其事後來逆苗煽動張照在京時見
皇考申飭鄂爾泰因其向來料理原未盡善
繼有解任之
自張照遂以私意揣度過甚其詞彼時廷議
新疆不可棄置張照即在頤之
皇考深以為然今張照以為密奉

諭旨轉告將軍哈元生因降旨棄絕乖謬已
極可諭張廣泗知之十一月

諭曰張照辦理苗疆事務本係自請前往乃
到黔以來挾詐懷私擾亂軍務罪過多端伊
到京時着總理事務王大臣會同刑部審擬
具奏嗣廣泗劾照立意阻撓與元生互相攻
訐置應辦之事不理致大兵雲集數月毫無
成效

命革職拏問乾隆元年九月廷議依律擬斬

諭曰張照浮躁性成又誤聽傳聞之言立意
與哈元生齟齬朕念哈元生從前征勦烏蒙
曾經効力業已從寬免死張照亦一體釋放

命在武英殿修書處行走二年二月授內閣
學士入直

南書房十二月充

經延講官四年三月請終養

上慰留之五年五月授刑部右侍郎十月

左十二月奏言律例刊校頒行尙須一年各
省未發新書擬罪必遵舊例請于舊例輕而
新改重者仍待奉到日遵行不必駁改舊重
新輕者刑部卽引新書改正使一年之內薄
海內外早被

恩光

特旨允行六年二月請假歸省九月回任十

一月

上以朝會樂章句讀與樂音不相比合

欽定四庫全書

七

增 勅莊親王同照查明律呂正義源委又

增 廟樂章恐不合律併查奏尋合疏言律呂正義一書編摩未備請重修律呂正義後編與前書並垂萬世

壇 廟 朝廷樂章應遵

聖訓將新舊所定並宋朱子六經圖及明集

載墳樂書式考定宮商字譜備載于篇使律呂克諧尋考易曉其民間俗樂亦宜一体釐正下部議行七年二月疏言軍流遣犯例應僉妻如子孫願隨往者聽並不在應遣之列向來旂人出旂咨部文內註明隨往字樣至民人刑部據文轉咨多不註明至配一例羈管本犯身故隨往子孫不得援奉恩例請嗣後該管衙門僉遣時即于文內註明隨往字樣以免濫行羈管本犯身故妻子

願歸給照回旂回籍仍報部存案又遣犯在配本身既不許他往子孫又一例羈管困頓飢寒情殊可憫請嗣後遣犯在配所生子孫該犯在日如有附近謀生者准呈明給限前往逾限不回查究在配所生子女或許嫁他處或寄養于人悉聽自便及各邊鎮賞旂爲奴人犯在籍子孫本非例應僉遣如往遣所省視情殷依戀或窮途艱苦不能卽歸旂主藉其力作歲月寔久並沒爲奴甚屬冤抑請

嗣後到配省視者赴該管衙門報名存案回籍日卽給印票放行如旂主刁留計陷照律治罪部議從之四月擢刑部尙書五月管理樂部先是雍正五年八旂佐領等有指扣兵丁錢糧印子錢者

世宗憲皇帝諭禁定枷責追利入官之條雍正十三年都統李禧請旂民一体嚴禁借債人自首免罪並免償放債人治罪仍追利入官民間爭首告冀免至是照疏言八旂佐領

等官盤剝該管兵丁放印子錢者仍遵例擬
追外如止重利放債悉依違禁取利本律治
罪禧所奏自首免償例已經律例館刪除不
准引用部議從之十月中允于振請釐定
文廟樂章

上命照撰擬進呈頒發曲阜及各省學宮八
年十月

諭曰朕登極詔內四品以上官例得恩廕刑
部尚書張照因彼時緣事未與今特加恩補

行給與恩廕九年十二月丁父憂

上以照父彙義方有素訓子成名

特諭于本籍賜祭一壇十年正月照奔喪行
至江南徐州卒漕運總督顧琮以

聞

諭曰張照才品優長兼諳法律學問充裕詞
藻清新侍直內廷勤慎素著前聞伊父諱音
抱病星馳朕切諭其以禮節哀毋致毀瘠今
聞在途溘逝朕心深為憫悼着加太子太保

吏部尚書應得此典祭例具奏尋

賜祭葬如例謚文敏二十四年

諭曰前因查閱蘇洲署中所藏字跡書冊見有張照獄中所題白雲亭詩卷詞意怨望因念張照爲受恩已故之人卽已付之炎官以保全其始終未曾明降諭旨昨命大學士蔣溥向伊子張應田寓中查取張照所遺筆札則更有未經朕覽刊入集中者毋論不日不月等語極爲狂誕而一則曰丞相再則曰鄂

伯若以伊之獲罪悉由于鄂爾泰之構陷者伊旣以此憤嫉之詞公然付之劄牘傳之後世無知者觀之將謂寔有其事故朕不得不明白宣示鄂爾泰經理苗疆一事朕與和親王每日親承

皇考訓諭其中端委寔所深知張照之奉

命經畧原令訪察鄂爾泰事蹟乃張照一人四川妄自尊大不以苗疆重務爲計立意阻撓於董芳則極口贊揚於哈元生則痛加醜

詆且私致書於哈元生等令叅鄂爾泰以致
張廣泗哈元生元展成等將伊乖張謬妄並
致書囑等欺紛紛陳奏夫以國家經畧大臣
膺節鉞重寄而乃挾私債事至於如此按以
軍法立置重辟寔所應得使非朕深知張照
素與鄂爾泰嫌怨豈僅付法司擬以監候爲
此格外私原乎乃張照尙不知痛心悔改妄
生不平之鳴即朕爾時深見苗疆之事惟專
任張廣泗庶可集事卽不得不將張照撤回

以防牽制嗣念張照辦事尙有小才出之罔
圖之中棄瑕錄用不數年由內閣學士洊擢
尙書供奉內廷時得召對不啻家人父子在
伊素性乖謬不愜人望一時諸人未必不以
朕爲寵過過優而朕並不以此少弛其恩禮
其感激又當何如耶卽如在獄時所處本非
順境抑鬱之狀猶或人情所有迨至再躋顯
秩叠受殊恩苟有人心則從前骯髒激勵之
詞亦當猛省剗削而必將此刊刻流傳其居

心又可問耶使張照仍在卽應治以國法今
其人已死姑免深究伊子張應田所得廕生
官職亦從寬免其革退四十四年

上念照資敏博學尤工書

御製懷舊詩列照于五詞臣中

詩曰書有米之雄而無米之畧復有董之整
而無董之弱蕤之後一人舍照誰能若卽今
觀其蹟宛似成於昨精神貫注深非人所能
學

三朝直內廷受

恩早且渥其詩喜談禪學蘓太相着以苗疆
獲罪意是別有託平苗事旣久復用仍遷擢
性敏才本高未免失行薄使生前明時標榜
必致錯本朝無所施小哉張與鄂四十七年
十一月

諭曰昨閱進呈一統志內國朝松江府人物
祇載王頊齡王鴻緒諸人而不載張照其意
或因張照從前辦理貴州苗疆曾經獲罪又

其獄中所題白雪亭詩意感憤經朕明降諭
旨宣示中外因而此次纂辦一統志竟將伊
姓名里居概從刪削殊屬非是張照不知朕
辦理其案之公衷而反挾私怨恨誠非大臣
公忠體國精白一心之道然其文采風流寔
不愧爲鄉賢卽董其昌亦豈純全之正人君
子哉使竟不登志乘傳示藝林致一代文人
學士不數十年竟歸泯沒可乎況從前張照
之獲罪固疑爲鄂爾泰傾陷其獄中憤怨之

詞亦大都指摘鄂爾泰者居多蓋鄂爾泰欲
置伊于死地朕若聽信其言張照豈獲生全
彼不知朕非信讒之主而鄂爾泰又豈能讒
張照之人卽如朕初政時戶部尙書缺出果
親王保薦右侍郎託時朕以海望乃左侍郎
資俸既深

皇考眷注亦優特予擢用夫鄂爾泰之力必
不能過于果親王果親王尙不能薦用一尙
書豈鄂爾泰能構一尙書致死耶嗣念張照

漢名臣傳卷十九
究係可用之材因出之囹圄不數年間由內閣學士洊擢刑部尙書供奉內廷朕之待張照終始成全原不以一青之微始終擯棄可謂極儒臣之榮遇卽將來國史中亦當令載筆之臣將伊事蹟詳晰編入何此時纂辦一統志轉佚其名耶總之張照雖不得謂醇儒而其資學明敏書法精工寔爲海內所共推重瑕瑜不掩公論自在所有此次進呈之一統志卽將張照官佚出處事蹟一併載入

王郡列傳

王郡陝西乾州人康熙三十年陝西飢就食福建以李姓充伍五十四年拔補臺灣鎮標把總五十八年遷延平城守營千總六十年五月臺灣奸民朱一貴聚衆倡亂陷府治郡奉總督滿保令應援自廈門一晝夜達淡水固守六月同守備陳策自淡水遣弁目安集民番招撫林中棟等二千餘人又抵諸羅會大兵進勦奮勇殺賊克復府治六十一年四

月調北路營千總擒餘賊李慶等九月遷北路營守備雍正元年遷乾州城守營遊擊尋擢叅將四月擢浙江嚴州副將奏覆本姓旋擢江西南贛總兵六年調福建臺灣總兵九年正月疏言臺灣鎮協各員遵例三年報滿請

旨酌調其叅將遊擊守備三年報滿必候督臣察核具題咨部註冊候陞及交代渡海延至四五年不等臺灣無携眷例既有內顧之

虞叅將以下父母亡故例不下憂又邊海不敢告假未免分馳意念不得悉心辦公應否准以二年報滿及交代渡海寔合三年之數干把微員不時差往內地可以顧家應仍照舊例報滿下部議行二月

上諭王郡在臺灣三年任滿例應調回內地因臺灣總兵職任緊要是以將王郡暫留一年令總督劉世明于總兵內慎選克勝臺灣之任者具奏今劉世明奏稱海壇總兵呂瑞

麟堪勝此任呂瑞麟可就風便前赴臺灣與
王郡講論地方事務熟悉兵民風土庶有裨
益廣東潮州總兵官着王郡補授十年三月
擢福建陸路提督時臺灣北路社番不法總
兵呂瑞麟臺灣道劉象愷往勦撫郡赴臺灣
彈壓四月南路奸匪吳福生等竊發郡率兵
于虎頭山赤山碑頭等處追勦生擒福生餘
党悉平敏功加都督同知五月北路大甲西
沙轆牛罵等社兇番殺傷兵民郡由鹿仔港

登岸偵知阿東一社有北崙西崙東崙惡馬
爲逆番聚集所郡統遊擊黃貴守備蔡彬蔡
榮等攻北崙令遊擊邱有章李科等攻西崙
叅將李應樾遊擊林黃彩等攻東崙並及惡
馬逆番設伏抗拒我兵奮勇擊殲渠魁招撫
脅從皆平之奏入得

旨臺灣北路大甲西等社凶番肆逆不法王
郡率領將兵奮勇撲勦剋期寧謐甚屬可嘉
着從優議敘加左都督十一年

漢名臣傳卷十九
上諭王郡前任臺灣總兵將及五載往來洋面熟悉海疆情形且聲名素著才畧優長着調福建水師提督十二年二月疏言廈門四面環海地少人多需米不貲加以營兵赴糶難免匱乏臣查水師提督衙門有官房四十間并魚池河溝四處每年租銀五十餘兩留充公用臣請就此項內乘穀價平減時動用採買加謹收貯如米價稍昂依原價借給各兵俟收成後還價買補以公濟公數年內

可得穀數萬餘石積貯充裕孤島兵民可無艱食之虞至出陳易新臣隨酌量料理其應需倉廩查廈門北門外有前提臣起蓋穀倉數間可以修貯不另造得

旨着照所奏行王郡將任內應得之項籌濟兵食甚屬可喜着交部議叙四月

陛見以途次受濕

命太醫日診視

賜藥餌并

漢名臣傳卷十九

夫

漢名目傳卷十九
給其二代提督封典郡二子守乾守坤隨侍
上召見

賞守乾守備銜守坤戶部主事又

命馳驛回任沿途地方官供給乾隆元年廕
一子入監讀書郡

陞見

賜鞍馬弓矢橐韉二年八月疏言臺灣遠在
海表番漢雜處爲水師第一奧區凡軍器機
不准民製而于硝磺鉛鐵例禁尤嚴今部交

准民人照營兵鳥鎗尺寸製造以資防患似
臺灣亦在不禁之內該地奸民勢必藉防患
請製硝磺鉛鉄亦不能禁恐火器充斥小則
侵界打鹿與番構結大則偶遇水旱或有不
逞之徒變幻其間藉以作祟查臺灣民居多
係平衍其崇山密箐中皆生番各險要俱撥
兵防守寔無應用鳥鎗之處仰懇
皇上飭部仍照舊例禁止下所司議行十一
年閏三月以老乞休

命以原官致仕加太子少保食全俸時郡第三子戶部員外郎王守震省親到闈郡奏請以守震送已回籍

上允之二十一年六月卒遺疏入奉

旨原任提督王郡老成練達專闡多年前因老病乞休加恩晉秩賜俸以養餘年今聞溢逝深為軫惻所有卹典察例具奏尋

賜祭葬如例諡勤懋子守乾官至南昌總兵

陳時夏列傳

陳時夏雲南元謀人康熙四十五年進士五
十一年考授內閣中書五十七年遷刑部主
事五十八年正月遷員外郎三月遷工部郎
中六十年遷廣西道監察御史巡視南城雍
正元年正月授河南開歸道仍帶御史銜尋
奏河北兩年歉收種麥甚稀民多乞食臣會
同署巡撫牟欽元設法捐賑恐未能徧給請
旨或發帑賑濟或蠲免錢糧使災黎均沾不
致失所



上嘉允之二年晉湖北按察使嗣以開歸道
任內封邱縣生員罷考時夏不能彈壓查拏
巡撫石文倬題未革職二年授直隸正定府
知府四年遷長蘆鹽運使尋加布政使銜署
江蘓巡撫五年正月疏陳蘓松水利請動帑
興修

命副都統李淑德原任山東巡撫陳世倌會
同勘議尋合疏奏隄江急宜修濬常熟之福
山塘昭文之白茆河太倉之七浦河上海嘉

定之吳淞江武進之孟瀆河德勝之新河丹
陽之九曲河皆淤淺應濬從之先是

上勅時夏改收江安二屬漕糧十萬石爲穀
二十萬石運貯閩省至是時夏奏言江省稻
穀因雨多不堅恐舂碓折耗不敷二穀一米
之數且運穀較運米費多請卽以漕米運閩
閩省今年有收以所運米於本處易穀貯倉
似爲兩便得

旨允行三月疏言江南錢糧正耗請照直隸

河南例統解布政使縣之大小分上中下三等酌留養廉敷用地方一應公事所司料理動用耗銀報銷至督撫司道及府佐貳等亦各給養廉通計支用並應存之數歲底奏明留司庫充公疏入報聞先是

上念時夏母老家居以道遠未迎養特命雲南督撫贈資斧送至蕪州復

賜人養六年五月江蕪布政使張坦麟調任

山東時夏奏坦麟任內錢糧不清請停赴新任坦麟亦奏時夏囑接任藩司趙向奎勒措

交代

上令時夏覆奏六月奏言雍正五年分解司

庫飯食添平銀三萬七千餘兩張坦麟未交

趙向奎以遲延揭報臣因

國帑攸關不敢徇隱並非吹求勒措今遵

旨令速交代起行庶兩省公事無悞得

旨汝識見卑鄙褊淺寔非巡撫之才經朕屢

漢名臣傳卷十九
加訓諭而不能奮勉改革才智限於此亦無
可如何也汝自莅任以來盜不能緝吏不能
察承追二百五十萬錢糧不能完二十分之
一蕪郡城大開銅舖而不能禁止河工遲悞
而不能勸懲于刑名案件則一味姑息其餘
不職處不可枚舉惟能令戲班減少大半緹
舖關閉數十座僧道數千人還俗祠廟數
處改爲書院在汝意以爲王道變化風俗但
不知寔有益于民生處何在對人時感恩位



下而不能仰体朕意辦理一事似此報德于
朕又復何益是月解時夏巡撫任往署山東
布政使張坦麟卽署江蕪巡撫尋
命時夏仍留蕪會辦各案虧空十二月
諭曰蕪撫所屬未完地丁錢糧積至八百一
十三萬八千餘兩時夏到任後將從前分年
帶征之項一併催追以致小民艱于輸納日
事嚴比朕心深爲軫念乃陳時夏又奏稱蕪
松積欠難于清結從前旣蒙聖恩蠲免浮糧

今請以舊欠之粮派于新粮戶內分年征收以抵補積欠夫燕松浮粮朕仰承

皇考聖心每歲額免四十五萬兩煌煌明旨布告億兆豈有既蠲正額而復借此抵補積欠之理且舊欠自有本人卽非本人亦自另有著落若舍此不追而均派新粮是刁民因積欠而得利良民因先輸而倍徵從此人人效尤誰復輸供正賦况以舊欠派入新粮舊欠未必全完而新粮又致欠缺此等狂悖之

論不過因朕留伊在蕪州清理未完一時不能脫身藉此草率完結耳今尹繼善現在清查歷年帶征錢粮着一概暫停征比俟朕派員前往與該地方官協理清查七年二月因所舉知縣蔡益仁貪黷不職經總督尹繼善參奏部議降二級調用八月丁母憂回籍十月二月朕闕來京加僉都御史銜授霸州營田觀察使尋奏文安大成兩縣界內修築橫堤千五百餘丈本年營田四十八頃俱獲豐收

漢各目傳卷十六



但恐水涸即旱請于大堤東南尚須村建石
 開堤內挑引河引子牙河灌溉仍于此岸多
 建涵洞小閘以資宣洩從之乾隆二年六月
 疏言農政全書載營治區田之法近又見聊
 城知縣蔣尚恩刊教民區田法清河同知方
 鳴夏刊區田錄要四面鑿井澆灌備旱莫善
 于此北省更有益畝費工本銀三兩百姓無
 力舉行請派員租民地試種俟有成效推廣
 從之七月授內閣學士三年十一月卒

十一月卒

5

